

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1764

Georgius

[urn:nbn:de:bsz:31-295098](#)

CAPUT VI.

GEORGIUS

METENSIS EPISCOPUS.



§. I.

Georgius, Jacobi filius, hanc lucem adspexit anno circiter 1433. (a) Hic a prima ætate destinatus Ecclesiæ, jam A. 1445. una cum fratribus Johanne & Marco, in Castro Badensi, a Vicario Generali Spirensi tonsuram accepit; atque A. 1454. Sabbato ante D. Laurentium portioni terrarum suarum renuntiavit Pforzhemii.

A. 1457. juvenis ætatis fere quinque lustrorum a Conrado, Metensi Episcopo, consensu Capituli, Coadjutor creatus est. Ca-

Tom. II.

Ee

Georgius
Metensi
creatur
Episco-
pus.

(a) MEURISSE *Histoire des Evesques de Metz* Lib. III. pag. 568. Georgium

lixtus III. Pontifex eodem anno Coadjutoriam hanc literis confirmavit, & speciali privilegio indulxit, ut ad XXVII. ætatis annum usque Metensem Ecclesiam regeret Administrator atque deinceps Episcopus, sine novo diplomate. At Conrado A. 1459. defuncto, Canonici quidam Ulrico Blamontano Comiti, Canonico Metensi, Episcopatum detulerunt. Pius II. Pontifex Georgii partes defendens, factionem oppressit. Georgius, possessionem Episcopatus eodem anno adivit. (b)

§. II.

A
Schauen-
burgicis
capitur.

A. 1460. inter Carolum Marchionem, Georgii fratrem & Schauenburgicos Nobiles, de Schauenburgi & Bernbaci Castris intercesserant lites; quæ mutuae diffidationi causam præbuerunt. Ea occasione Georgius electus & confirmatus Metensis (c)

XXIV. ætatis annum egisse tradit A. 1457. quo Metensis Ecclesiæ Coadjutoriam accepit; ut itaque secundum Meurissium annus natalis Georgii incidat in A. 1433. Consentit quodammodo testamentum Jacobi patris de A. 1453. in quo dicitur, Georgium posse educationis cauſā usque ad A. XXIV. ætatis commorari vel in Caroli, vel in Bernhardi, vel alia aula.

(b) MEURISS. loco alleg. p. 568. sq.

(c) Georgius tum nondum consecrationem acceperat, unde in literis Tabularii Schauenburgici dicitur: *Erwehler und beflätigter zu Metze.*

una cum fratre Marco, a Schauenburgicis fratribus, Georgio, Reinhardo & Friderico in Alsatia captus, Isenhemii, quod Alsatiae Castrum supra Rufacum jacet, in custodia detentus est. Carolus Marchio fratribus suis liberandis cum Petro de Moersperg, Praefecto Austriaco, pluribusque Nobilibus Metensis Ecclesiae, Isenhemium eodem anno obfedit. At Goetzius de Adelsheim, Subpraefectus Palatinus, a Friderico Electore, ut Cæfareo Alsatiae Praefecto, tum missus, rem ad concordiam reduxit. Georgius & Marcus sine pretio liberati. Lites vero inter Badenses & Schauenburgicos Friderici Palatini arbitrio delatae. Carolus Marchio actioni, in Judicio Cæsarialis Aulico contra Schauenburgicos institutæ, renunciavit. (d)

Eodem tempore Fridericus Schauenburgicus partem Isenburgici Castrum cum Terris in Mundato superiori, in Sundgovia & omni Austriaca ditione, quas ipse vel conjux ejusque ex priore cum Stauffenbergico Nobili matrimonio filius tenuer-

Tom. II.

Ee 2

(d) Literæ hac super re die Jovis ante Bartholomæi datæ, in *Tabulario Schauenburg.* servantur. add. Caroli I. vita ad A. 1460. & *ALSATIA ILUSTR.* Tom. II. p. 69.

GEORG.

rant', octo millium & quadringentorum florenorum pretio in Georgium nostrum transtulit. (e)

Hic A. 1461. solenni pompa Metensium Civitatem intravit, comitantibus eum Carolo Marchione, Johanne Trevirense & Marco Coloniensi Canonicō, fratribus suis, qui cum Nassoviæ Comite aliisque Principibus & septingentis equis advenerant. Georgius tum vasallos Metensis Ecclesiæ, Comites Nassoviæ, Salmenses, Blamontanos, Lichtenbergicos aliosque investivit de feudis. Sarburgum oppidum Domino Vinstringæ tradidit. (f)

§. III.

A Palati-
no quo-
que ca-
ptus.

Concitato inde Moguntino bello, Adolphi Nassovii partes una cum Johanne Trevirense & Carolo Marchione fratribus secutus est. Adolphus literis die Veneris post Ascens. A. 1462. datis, de damno, si quod acciperet, Georgio cavit, quingentos annuatim florenos ex Lohnsteinensi portorio, ut primum expugnaverit oppidum, se ei soluturum promittens. (g) At paulo post

(e) Literæ modo allegatæ.

(f) MEURRISS. *Histoire des Evesques de Metz* p. 568. fqq.

(g) JOANNIS ad HELWICHIUM de disilio Mogunt. in SERARIUS Rer. Mogunt. Tom. II. p. 162.

Georgius infelici ad Seckenhemium prælio cum Carolo fratre captus, annuam, & quod excurrit, captivitatem transegit; quadragies & quinquies mille florenorum lytro redimendus. Præterea tres arces, quas in Lotharingia habebat, Bergardum, S. Theobaldum & S. Crucem Palatino tradere, & de innocentia ejus Pontificem æque ac Cæsarem docere, curareque, ut omnem adversus eum simultatem deponerent, coactus est. (h)

Adolphus Archipræful anno sequenti Georgio pro acceptis
damnis triginta florenorum millia transcripsit. (i)

§. IV.

Durante hoc bello Metenses, Dietheri Isenburgici partes amplexi, quum A. 1462. Canonicos Cathedralis Ecclesiæ, Adolpho faventes, expulissent civitate, a Pio II. diris devoti sunt. Ca-

Ee 3

(h) Vide supra in Carolo I. TRITHEMIUS in *Chron. Hirsaug.* ad A. 1462.

HELWICHII loc. alleg. p. 180. & 181. HACHENBERG. in *Historia Friderici I. Palat.* Lib. V. pag. 149. Postrema hac conditione Georgius, conciliato paulo post cum Pontifice Cæsareque Palatino, liberatus est. JOANNIS ad SERARIUM Rerum Mogunt. Lib. V. Tom. I. p. 780.

(i) JOAN. loc. alleg.

GEORG.

nonici bonis redditibusque spoliati apud Mußipontanos primum, dein Vici substiterunt, donec post quinquennale exilium redeundi in urbem ipsis fieret potestas. A. 1467. Georgius Episcopus, cui totius negotii curam demandaverat Pontifex, Canonicos Civitati, Civitatem Pontifici conciliavit: quo temporis intervallo urbem identidem invisit, litesque de censuum quorundam solutione cum Metenibus amica transactione composuit. (k)

A. 1470. Georgius arbiter fuit difficultatum inter fratrem, Trevirensim Archiepiscopum & Fridericum Palatinum. (l)

§. V.

Acta ejus
reliqua.

A. 1473. Fridericum IV. Imperatorem Metas venientem, magnifice recepit. (m) Imperator Treviros ad Comitia abiit, Georgius cum Carolo fratre, aliisque Principibus eum fecutus est. Ibi cum de regia Caroli Burgundi ageretur dignitate, eumque in finem omnia præpararentur, Georgio sacrandi inungendique novi

(k) MEURISS. loco alleg. Lib. III. p. 570. sqq.

(l) Vide supra in vita Johannis Archiepiscopi.

(m) MEURISS. loc. alleg. p. 588.

Regis partes demandatae fuerunt. At subita profectio Cæsaris
hæc omnia intervertit. (n)

A. 1474. Georgius auctor fuit pacis inter Civitatem Me-
tensem & Lotharingiæ Ducem, inopinato Civitatem bello qui
fuerat aggressus. (o)

Sed honorifica præsertim fuit solennis ejus ad Belgas lega-
tio, quum A. 1477. a Friderico Imperatore Gandavum missus,
una cum Johanne Trevirensi & Ludovico, Bavariae Duce, in ma-
gno Procerum confessu pathetica oratione impetravit, Maximilia-
num Archiducem inter & Mariam Burgundicam ut decerneretur
conjugium. (p) Paulo post Georgius noster Maximilianum co-
mitatus est Gandavum; ejusque nuptiis cum Maria interfuit.

§. VI.

Maximilianus, ut gratam mentem testaretur Georgio, Obitus.
Episcopatum Ultrajectinum ei destinavit, sed antequam literæ

(n) COMINES *Memoires* Lib. II. Ch. 8. BROWERUS *Annal. Trevir.*
Lib. XIX. p. 300. & 302.

(o) MEURISS. loc. alleg.

(p) PONTUS HEUTERUS *Rerum Austriae* Lib. I. cap. 7. FUGGER.
Oesterreichischer Ehrenspiegel Lib. V. cap. 26. p. 854. sqq. MEURISS. l.c.

GEORG.

expeditentur papales, Georgius Mediovici (*q*) deceffit A. 1484.
d. XI. Octobr. cum per XXV. annos Ecclesiae Metensi præ-
fuisset. Corpus ejus in Ecclesia Cathredali sepultum est Me-
tis. (*r*)

nescio, quo auctore tradit, ingens tum vitæ periculum adiisse Geor-
gium, minantibus ei mortem Belgis, nisi matrimonium Mariæ cum Ma-
ximiliano perficeret.

(*q*) *Moyenvic.*

(*r*) *MEURISS.* L.c. p. 590. & 592.



CAPUT